

Letras Galegas 2017

O autor homenaxeado co gallo das Letras Galegas deste ano é Carlos Casares. Nado en Ourense en 1941, Casares é coñecido por unha extensa obra que tocou principalmente a novela -"Os mortos daquel verán", "Ilustrísima", "Os escuros soños de Clío", "Xoguetes para un tempo prohibido" etc. -, pero tamén a literatura infantil, con títulos tan coñecidos como "As laranxas más laranxas de todas as laranxas", "A galiña azul" ou a serie de Toribio. Carlos Casares foi tamén activista político desde a súa mocidade en Compostela, onde entraría en contacto con referentes do galeguismo como Ramón Piñeiro quen, andando os anos, lle legaría a dirección de Galaxia. Alén da ficción, o escritor e membro da Real Academia Galega tamén cultivaría o ensaio, a biografía, a tradución e o relato breve a medio camiño entre a narrativa e a opinión da súa columna "Á marxe", publicada durante unha década -ata a súa morte en 2002- polo xornal La Voz de Galicia.

O Concello de Moeche preparou na honra de Casares e na honra das nasas letras unha completa programación centrada nas expresións da música e da palabra que servirá, ademais, para poñer en marcha o novo espazo sociocultural de Trieo.


SÁBADO 13 DE MAIO, 19.00 H. ACTUACIÓN DO CORO SOLFA NO CASTELO DE MOECHE.

A agrupación Solfa chega de Santiago de Compostela e está formada por 25 persoas baixo a dirección de Xosé Carlos Seráns. Ofrecerán un repertorio de obras de diferentes estilos, entre as que destacan as transcripcións de temas populares galegos e a difusión da nosa literatura a través do canto. **Entrada gratuita.**



MÉRCORES 17 DE MAIO, 11.30 H. CONTACONTOS "A GALIÑA AZUL" NA BIBLIOTECA MUNICIPAL

O libro "A galiña azul" é probablemente o máis popular de todos cantos escribiu Carlos Casares para a rapazada. A xeito de carta a unha nena, a historia presenta personaxes fantásticos que nos lanzan unha mensaxe contra a intolerancia e a inxustiza. O canto valeulle ao seu autor un dos seus primeiros recoñecementos e tamén é unha obra pioneira na literatura infantil en galego. Trala sesión de contacontos haberá un obradoiro pensado para fomentar a lectura e o descubrimento da figura e da obra de Casares. **Entrada gratuita.**



SÁBADO 20 DE MAIO, 18.00 H. CONCERTO DO ALUMNADO DE VIOLÍN DO CONSERVATORIO XAN VIAÑO DE FERROL NO CASTELO DE MOECHE

Doce alumnos e alumnas de violín do Xan Viaño ofrecerán un concerto acompañados ao piano por Alejandro Cubero e a violinista Iria Rico, nunha nova oportunidade de gozar da música nun contorno tan especial como o do castelo.
Entrada gratuita.



DOMINGO 21 DE MAIO, 17.30 H. XORNADA DE PORTAS ABERTAS DO NOVO SALÓN CULTURAL FRANCISCO PIÑEIRO, EN TRIEIRO, ABADE.

O Concello levou a cabo recentemente un proxecto de remodelación do coñecido como “edificio de Protección Civil” con dous obxectivos claros: por unha banda frear o seu deterioramento e, por outra, mellorar as instalacións con novo equipamento que permita usalas como lugar para a cultura e o lecer de toda a veciñanza. Nesta actuación investíronse 90.000 € financiados nun 80% pola Deputación da Coruña. O edificio levará o nome dunha persoa moi vincellada a Moeche malia non ter nacido aquí: o profesor, etnógrafo e escritor **Francisco Piñeiro**. O mestre



Paco asistirá á xornada de apertura na que tamén se lle renderá homenaxe polo seu traballo a prol da cultura e o ensino.

SÁBADO 27 DE MAIO, 19.30 H. TEATRO “FALAR SEN CANCELAS”, CON ISABEL RISCO, FRAN REI E PEDRO BRANDARIZ, NO SALÓN CULTURAL FRANCISCO PIÑEIRO (TRIEIRO, ABADE)

Logo da súa reforma, o antigo edificio de Protección Civil inicia a súa andaina como espazo cultural cunha obra de teatro protagonizada por Isabel Risco, Fran Rei e Pedro Brandariz. Tres ases da comedia que levan 15 anos xuntos sobre o escenario. Nesta peza intercalan unha serie de monólogos propios, gags, recursos e xogos de improvisación que fan de cada representación unha aventura diferente coa que rir a cachón durante 75 minutos. A obra vai dirixida a público adulto e forma parte da Rede Cultural da Deputación da Coruña.



Entrada: 3€. As entradas poderán collerse desde media hora antes do espectáculo ou de forma anticipada na Casa da Concello en horario de mañá.

Transparencia e participación

Entra en vigor o Orzamento municipal para este ano, que ascende a 2 millóns de euros.

O Pleno do Concello aprobou o pasado 16 de febreiro as contas que rexerán o funcionamento municipal no presente exercicio. A cifra exacta son 2.032.005 € e, unha vez superado o prazo de exposición pública, o orzamento está xa en vigor. O orzamento municipal vén sendo unha previsión de ingresos e de gastos no que aparecen reflectidas todas as partidas coas que manter e incrementar os servizos que se lle prestan á xente. É, en definitiva, o documento que recolle as políticas que vai desenvolver o Concello nos próximos meses, marcadas por máis investimentos en obras e equipamentos, no reforzo da atención social e a contención dos gastos.

No documento orzamentario destaca o incremento da conta total nun 34%, concentrado principalmente no capítulo 6. Este apartado, o das **obras e infraestruturas**, pasa dos 495.000 € de 2016 a algo máis de 961.000, debido á aprobación do novo **POS+ provincial** e ás previsións de investimento dentro do Plan marco de mellora de camiños municipais da AGADER.

Outro factor que caracteriza o orzamento municipal é a inclusión do plan de contratación de persoas en risco de exclusión social da Deputación da Coruña -19.000 €- e a dotación dos fondos necesarios para cubrir as substitucións de persoal, así como a reserva de partidas específicas para dinamizar as feiras e os eventos programados polo Concello, a colaboración co tecido asociativo e a promoción da cultura, do deporte e do ensino. Destaca, ademais, o compromiso de aumentar as prestacións dos servizos sociais e o **reforzo do Servizo de Axuda no Fogar por medio da ampliación do cadre de persoal**.

Na liña que se segue desde 2015, outra das características do orzamento é a contención do gasto corrente a través de varias medidas. Compre reseñar entre elles a eliminación de gastos innecesarios, a redución da factura eléctrica por medio da revisión de contratos e da adopción de medidas de aforro enerxético e, tamén hai que dicilo, regularizando taxas municipais -como é o caso do lixo- sen subir os impostos.

2016 PECHOUSE CON SUPERÁVIT

Ademais de aprobar o orzamento, o grupo de goberno local tamén aprobou as liquidacións das contas do 2016, que se pecharon cun superávit de **máis de 163.000 €** e cun cumprimento da **regra de gasto sen débeda bancaria**. A obriga de cumplir coa regra de gasto e outras cuestiós relativas ás posibilidades de endebedamento municipal veñen marcadas na normativa de 2012 que impide gastar máis do que ditamina o Estado cada ano, ainda que haxa cartos no banco para investir. Así, concellos coma o noso, que están saneados economicamente e que teñen algúns aforros, ven limitada por unha lei estatal a súa capacidade para investir en obras básicas, persoal, estradas, en escolas, no saneamento ou en calquera outra necesidade.

QUE INFRAESTRUTURAS HAI PROGRAMADAS PARA ESTE ANO?

Agora que o orzamento municipal xa entrou en vigor o Concello ten vía libre para empezar a contratar as obras previstas para o presente exercicio. Boa parte dos fondos proveñen do Plan único de concellos POS+, que xunto o Plan de Obras e Servizos, o Plan de Acción Social e o Plan de Aforro e Investimento nun único programa provincial. Os importes destas tres liñas súmanse agora nun mesmo programa que, ademais, simplifica a tramitación e dalles aos municipios maior autonomía á hora de investir os cartos. Por outra banda, o POS+ tamén é un plan dinámico, que incorporará máis fondos a medida que se vaian xerando, principalmente das baixas que se produzan nos procesos de licitación pública.

Dentro do POS+ Moeche conta cun total de **370.819,40 €**, que irán parar a proxectos de pavimentación de vías, saneamento, mantemento de servizos xerais e mellora nas infraestruturas da feira.

Desta cantidade, preto de **163.000 €** destinaranse a gasto corrente, como son a electricidade, servizos xerais, pagamento da factura de SOGAMA, etc. de maneira que as arcas municipais se libran de sufragar eses gastos e se obteñen recursos para destinar ao Servizo de Axuda no Fogar, o mantemento e acondicionamento de pistas, para programas culturais e deportivos, para o mantemento de locais e para emprego.

Outros, algo máis de **100.000 €**, van ir para proxectos de pavimentación e saneamentos, divididos do seguinte xeito:

- **65.000 € na mellora do camiño e unha pista en Gundiao (Abade); na pista do Pico de Ferreira a Campos de Vigo (San Xurxo); camiño do Vilar, a pista do Loureiro e a do Tellado en Santa Cruz e nos accesos ao lugar de Vilachave -Labacengos- e mailo aparcadoiro de Trieo, en Abade.**
- **35.000 € irán para o saneamento na zona do Empalme-San Ramón. Construirase un novo colector sanitario no Empalme -San Xoán-, faranse melloras na foxa séptica das Pedreiras tamén en San Xoán- e, por último, repararase o camiño do Carballo, nas inmediacións do antigo vertedoiro de Labacengos.**

A contia restante do POS+, case 108.000 €, destinárase íntegramente á primeira fase do acondicionamento do recinto da feira. Esta cantidade corresponde co Plan de Aforro e Investimento (o PAI), ao que o Concello se acollerá para pagar débeda bancaria e que agora se recibe en forma de cartos para investimentos sostibles.

iluminación LED na AC-862

Alén do novo plan único para concellos, Moeche tamén percibirá fondos provinciais do Plan complementario, concretamente **75.000 € cos que se cambiará a led toda a iluminación da estrada AC-862**.

Como se recordará, xa o ano pasado houbera un proxecto semellante encargado a unha empresa que, finalmente, non fixo o traballo nin nos prazos nin nas condicións que marcaba o proxecto. Por ese motivo **esixiuelle que volvese as luminarias ao seu estado orixinal e decidiuse non pagar o traballo, unha decisión avalada cun informe favorable do Consello Consultivo de Galicia**. Agora retómase de novo o proxecto ampliado, que se sacará a contratación en breve e co que agardamos reducir considerablemente o consumo eléctrico da iluminación pública, ademais de mellorar as condicións lumínicas da AC-862 desde o límite de San Sadurniño ata o de Cerdido.



Nova cuberta do polideportivo municipal

Outro grande investimento será a nova cuberta do polideportivo de San Ramón e o arranxo dos vestiarios. O custe desta obra ascende a case 105.000 € dos que un 80% arredor de 84.000 virán dun convenio suscrito hai tan só uns días coa Deputación da Coruña, mentres que o 20% restante deberá poñelo o Concello.

As obras consistirán na substitución da cuberta, mellorar o illamento térmico e acústico do interior e renovar as zonas de baños e vestiarios. Os traballoos que se contratarán dentro de pouco pretenden unha renovación estética pero tamén incrementar a funcionalidade deste espazo.



O Concello subscribe un convenio coa FAEPAC para continuar avanzando na eficiencia enerxética

O Concello de Moeche e a Fundación Axencia Enerxética Provincial da Coruña (FAEPAC), dependente da Deputación da Coruña, asinaron o pasado 20 de abril un convenio en materia de aforro e eficiencia enerxética. O Goberno municipal xa ten adoptado desde o inicio do mandato algunas medidas neste sentido, como a rebaixa das potencias contratadas adaptándoas ás necesidades reais, a instalación de redutores de fluxo e reloxos astronómicos ou a progresiva reorganización de luminarias. Foron actuacións que ao longo do ano pasado supuxeron un aforro na factura da luz pública próximo aos 6.000 €.

Coa sinatura deste convenio agárdase manter unha liña constante no control e aforro enerxético así como prestar asesoramento veciñal nesta materia. A FAEPAC prestaralle axuda ao Concello na análise enerxética das instalacións e dependencias municipais, co obxectivo de establecer un plan personalizado de mellora da eficiencia enerxética, o uso racional da enerxía e o fomento de fontes renovables. Para iso tamén se fará un seguimento e control do consumo de electricidade, da auga quente e da calefacción dos servizos públicos e manterase informado ao Concello sobre as modificacións lexislativas e tarifarias, as convocatorias de axudas públicas e os novas materiais, produtos sistemas e servizos susceptibles de ser implantados nas instalacións municipais.

Cómpre ter en conta que a FAEPAC tamén lle presta asesoramento gratuíto a particulares e entidades para axudarles a reducir a súa factura da luz e a mellorar a súa eficiencia enerxética.

Ademais esta entidade está relativamente preto de nós: na Casa da Enerxía, rúa Alcalde José Vilaboy Pajón s/n, 15.320 As Pontes. O seu teléfono é o 981 102 111 e o correo electrónico é: info@faepac.org.

Aprobado o inventario do PATRIMONIO do Concello de Moeche

O Pleno da Corporación, en sesión extraordinaria de data 3 de abril de 2017 -logo da correspondente exposición pública- aprobou o Inventario do Patrimonio do Concello de Moeche, que relaciona edificios, vehículos, terreos, dereitos e demás que son propiedade do Concello. A realización deste inventario é froito dun convenio de colaboración asinado coa Deputación da Coruña do que tamén se beneficiaron outros 12 municipios da provincia.

Como resumo do inventario achegamos os valores de cada un dos epígrafes:

Inmobilés	5.153.381,63 €
Dereitos reais	474.027,40 €
Vehículos	43.218,49 €
Bens e dereitos reversibles	372.475,38 €
Total	6.043.102,90 €

Bolsas de emprego

BOLSA DE EMPREGO DO SERVIZO DE AXUDA AO FOGAR

O Concello aprobou unha modificación da bolsa de emprego para auxiliares de axuda ao fogar que permite que todas as persoas xa inscritas nesta bolsa de emprego poidan comunicar os novos méritos para valorar todos os anos do 1 ao 28 de febreiro así como incorporar novas solicitudes.

Esta bolsa de emprego ten como obxectivo a contratación de persoal para cubrir baixas, permisos, vacacións, etc, así como aumentar o numero de persoas que prestan o servizo de axuda no fogar.

Información: no departamento de Benestar Social -teléfono 981 404 006 ext. 1- ou no Boletín Oficial da Provincia do 4 de abril de 2017.

BOLSAS DE EMPREGO PARA LABORES DE PEONAXE E DE CONDUTOR/A OPERARIO/A

Creáronse dúas bolsas de traballo para realizar contratación laborais temporais como condutor/a operario/a e de peón de obras e servizos municipais, co fin de cubrir baixas laborais, vacacións, permisos, acumulacións de tarefas ou, de reunir os requisitos, programas de emprego doutras administracións, como é o caso do Plan de emprego da Deputación, programa Aprol da Xunta de Galicia, etc.

Para o posto de condutor/a-operario/a presentáronse 10 persoas e para o de peón 28. Ao longo do mes de maio un tribunal composto por persoal da Administración pública baremará os méritos presentados por cada aspirante.



Información sobre a praga da couza guatemalteca das patacas

Moeche é, xunto con Cerdido, As Somozas, Cedeira e Cariño, unha das zonas denominadas como “tampón” na loita contra a praga que lle afecta aos patacais. Isto quere dicir que está permitido plantar patatas, pero tendo en conta certas limitacións e coidados que veñen recollidos na normativa publicada nos últimos meses pala Xunta de Galicia.



Que temos que facer?. Atendede:

- 1. Comunicar a plantación**, a súa situación exacta e a superficie sementada. Esta comunicación debe facerse utilizando o modelo de impreso publicado pola Xunta de Galicia, que se pode presentar nas oficinas agrarias ou no rexistro do Concello.
- 2. Utilizar semente certificada**, a única que nos garante pataca libre desta e doutras pragas.
- 3. No momento da recollida débese apañar toda a pataca**, non deixar no terreo ningunha, incluso a que non se poida aproveitar. A Consellería recomenda que as patatas podres, furadas dos ratos ou adentadas se enterren en cal vivo cando menos a 80 centímetros de profundidade.
- 4. Á hora de almacenar as patatas** é necesario desinfectar con auga e lixivia -ou insecticida específico- a zona onde se vaia gardar a colleita, ademais de colocar unha malla tupida nas fiestras e sobre as patatas para evitar a entrada e a saída da couza. Recoméndase tamén colocar trampas con feromonas para detectar a couza, estas trampas facilitanás nas oficinas agrarias comarcas.

Para máis información ou para calquera dúbida pódese **chamar ao Servizo de Explotacións Agrarias** da Coruña, nos **teléfonos 981 182 579 e 981 184 548**. Se atopamos avelaíñas guatemaltecas no patacal ou nas patatas gardadas tamén deberemos chamar a eses mesmos números.

Charla sobre as axudas europeas do GDR Seitura 22



Moeche forma parte do ámbito territorial do Grupo de Desenvolvimento Rural Seitura 22, encargado de xestionar as axudas do programa europeo Leader. Para informar das liñas de subvención ás que poderán concorrer tanto os proxectos públicos como privados organízase unha charla impartida polo persoal técnico do grupo, que tamén explicará os requisitos que se deberán cumplir e os compromisos que se adquieren ao obter unha destas axudas.

A sesión será de grande utilidade para aquelas persoas e entidades que queiran levar adiante iniciativas relacionadas co rural, xa que a contía das axudas pode chegar ao 40% do investimento.

Lugar: Local social de Abade

Data: 25 de maio

Hora: 17.30 h.



HORARIOS DE APERTURA DO CASTELO DE MOECHE

O Castelo de Moeche volveu abrirse ás visitas durante a Semana Santa e desde aquela está aberto nos días festivos e nas fins de semana ata o 11 de xuño. A partir do 17 de xuño xa abrirá toda a semana agás os luns, pechado por descanso.

Horarios de apertura	
Fins de semana e festivos	de 11 a 14 e de 16.30 a 20.00 h.
Desde o 17 de xuño, tamén de martes a venres	de 16.30 a 20.00 h.
Prezos	
Entrada individual xeral (+12 anos sen carné xove)	2,50 €.
Entrada menores 6 anos e residentes en Moeche (con tarxeta)	0 €.
Entrada persoas xubiladas e mocidade de 6 a 12 anos	1,50 €.
Entrada titulares de Carné Xove	2,00 €.
Entrada para grupos + 15 persoas	/persoa 2,00 €.
Entrada grupos de alumnado de centros educativos regrados de fóra do municipio	/persoa 1,00 €.
Entrada grupos de alumnado do CEIP San Ramón	0 €.

Lémbrase que as persoas residentes en Moeche teñen á súa disposición no Concello a tarxeta de acceso ao castelo, necesaria para entrar coa tarifa gratuita.


O PARQUE E A ZONA DE DEPORTES DO COLEXIO ABREN FÓRA DO HORARIO LECTIVO

Despois de rematarmos as obras de mellora e renovación do parque infantil e da pista de deportes da escola, informámosvos de que a partir de agora este espazo tamén estará aberto para a veciñanza durante as fins de semana, os festivos e os periodos vacacionais. Durante o curso escolar as instalacións abrirán ás 17.00h. de martes a venres. Os luns estarán pechadas.



ANDAINA POLAS TERRAS DE MOECHE: SAN XURXO

Continuamos percorrendo as parroquias aproveitando a primavera tan enxoita que estamos tendo. A próxima camiñada que che propoñemos discorrerá pala ribeira do Río Grande ao seu paso por San Xurxo. Sairemos da área recreativa e faremos un percorrido circular duns 8 quilómetros, parte deles pola beira do río. Iremos na compañía de veciños e veciñas do lugar, que nos contarán historias da paisaxe e dos lugares que visitaremos. É unha ruta apta para calquera idade e de dificultade baixa. Con todo, recomendase levar calzado cómodo que non sexa de estrea e que protexa os nocellos. Tampouco está de máis que sexa transpirable e impermeable, xa que pasaremos por pistas de terra e humedais. Tamén se recomenda o chaleco reflector, gorra e bebida para o camiño. Estimase que a andaina dure unhas 3 horas.



Data: domingo 14 de maio. **Lugar de saída:** Área recreativa de Souto Grande (Piscina de San Xurxo). **Hora:** 10.30h.

Inscripciones: ata o 12 de maio no departamento de Deportes, no 981 404 006 (ext.3) ou no correo electrónico daniel.feijoo@moeche.gal

Prezo: gratuito para residentes en Moeche e 3€ para o resto. Neste prezo inclúese o seguro de accidentes.

IV CARREIRA POPULAR CONCELLO DE MOECHE

II Circuito “Corre polo norte”

O sábado 10 de xuño a partir das 17.00h. viviremos unha nova cita co deporte ao aire libre na cuarta edición da carreira popular Concello de Moeche, incluído dentro do calendario “Corre polo norte” que arranca o 20 de maio en Cedeira e que remata o 3 de setembro en Mañón. As inscricións poden facerse a través da web www.prueba-t.es.

Este ano acúrtanse as distancias, baixando o percorrido de 8 a 6,5 quilómetros, de maneira que a proba se fai accesible a máis persoas. Será, igual que en anteriores edicións, unha ruta circular con saída e chegada na Casa do Concello.

Para participar non hai límite máximo de idade e para a rapazada fixouse como mínimo ter nacido no ano 2014. Iso si, por razóns organizativas non se admitirán máis de 500 participantes.

CATEGORIA	ANO DE NACEMENTO	DISTANCIA PARA PERCORRER
Pitufos MIF	2012·2014	150m
Prebenxamín MIF	2011·2010	500 m
Benxamín MIF	2009·2008	500 m
Alevín M/F	2007·2006	1.000 m
Infantil MIF	2005·2004	1.000 m
Cadete MIF	2003·2002	2.000 m
Xuvenil MIF	2001·2000	2.000 m
Absoluta M/F (1999 e anteriores)	Senior M/F: 1999·1983 Veterán A M/ F: 1982 ·1966 Veterán B M/F: 1965 e anteriores	6.500 m



Prezos: inscrición gratuíta para atletas das categorías menores (nacemento no ano 2000 ou posteriores) e 4 € para a categoría absoluta (persoas nacidas no ano 1999 ou anteriores). A proba estará controlada polo persoal da empresa de servizos deportivos PRUEBA-Te estarán capacitados para descualificar a calquera atleta que incumpla o regulamento, disponible en www.concellodemoeche.com e na propia web das inscricións www.prueba-t.es.

Colabora: Deputación da Coruña

Organiza: Concello de Moeche

Axudas e convocatorias doutras administracións

Resolución do 31 de marzo de 2017, da Secretaría Xeral da Igualdade, pala que se establecen as bases reguladoras das **axudas destinadas a fomentar o asociacionismo e a participación das mulleres**, e se procede á súa convocatoria para o ano 2017 (DOG nº 75 do 19 de abril de 2017).

Resolución do 17 de abril de 2017 pala que se establecen as bases reguladoras e se anuncia a convocatoria de subvencións para proxectos de equipamentos de aproveitamento de enerxías renovables nas empresas de producción agrícola primaria (DOG nº 78 do 24 de abril de 2017).

Obxecto: **instalar equipamentos de aproveitamento de enerxías renovables nas empresas de producción agrícola primaria** que cumpran os requisitos e condicións establecidos no articulado desta resolución. Serán subvencionables as seguintes tecnoloxías: biomasa, biogás, aerotermia, xeotermia, solar térmica, fotovoltaica e minieólica. Prazo de presentación de solicitudes: 25/04/2017 - 24/05/2017.

Orde do 24 de marzo de 2017 pala que se establecen as bases palas que se rexerá a **concesión da prestación económica de pagamento único por fillas e fillos menores de tres anos** para o ano 2017 (DOG nº 65 do 3 de abril de 2017).

Prazo de presentación de solicitudes: 04/04/2017 - 29/05/2017 Esta orde rexe a concesión da prestación económica de pagamento único por filias e fillos menores de tres anos, así como a convocatoria destas axudas para o ano 2017.

Resolución do 6 de abril de 2017 pala que se aproban as bases reguladoras das **subvencións para proxectos de adquisición de maquinaria e equipamento en actividades non agrícolas**, cofinanciadas co Fender no marco do Programa de desenvolvemento rural (POR) de Galicia 2014-2020, e se anuncia a convocatoria para o ano 2017 (DOG nº 77 do 21 de abril de 2017).

Prazo de presentación de solicitudes: 22/04/2017 - 22/05/2017.

Actividades veciñais



EXCURSIÓN A PORTUGAL DA A. VV. VAL DE MOECHE

A asociación veciñal de San Xurxo convídano a pasar o día das Letras Galegas no norte de Portugal acudindo á afamada feira de Valençá e visitando tamén o Bom Xesús e Sameiro. Un clásico das excursións no que poderemos atopar teas, enxoaval da casa e gozar da fantástica gastronomía de alén Miño.

Data: mércores 17 de maio

Inscrições: ata o 14 de maio chamando ao 696.944.914 e 981.404.107



EXCURSIÓN A COVADONGA DA A. VV. LABACENGOS

AA.VV. de Labacengos organizou para o sábado 13 de maio unha viaxe ao santuario de Covadonga, en Asturias. Na aba dos Picos de Europa e moi preto dos lagos de Enol e Ercina atópanse a basílica de Santa María a Real, rematada no século XIX, e a cava á que cada ano peregrinan milleiros de crentes católicos. Eses serán os dous lugares que poderán ver quen se apunten nesta viaxe a un dos enclaves más espectaculares da península.

Data: sábado 13 de maio

Inscrições: no teléfono 606.729.038

FESTAS DE SAN XIAO

A Comisión de Festas de Labacengos-San Xiao inauguran a temporda de festas patronais no noso concello coa Festa de San Xiao.

Datas: 27 e 28 de maio

Actuacións: sábado 27 **Ledicia espectáculo e Pasión**
domingo 28, **Airiños dos Carrís e Pasión**

Haberá carpa !

